



Jun 2021

RUNDA 03



31 Općina
u
6 Kantona



113
lokacija
pokriveno



2,589 migranata
izvan centara,
od ukupno 2,591
ispitanika

10. juna 2021, treća zajednička vježba sprovedena od strane IOM u Bosni i Hercegovini (BiH) zajedno sa Službom za poslove sa strancima¹ (SPS), kako bi prikupili informacije o broju migranata i tražioca azila² koji se nalaze trenutno u državi. Svrha ove vježbe je da se pruži okvirni broj migrantske populacije koja nije smještena niti registrovana u jednom od Privremenih prihvatnih centara (PPC) u datom trenutku.

10 timova je sačinjeno od ukupno 44 popisivača (31 muški i 13 ženskih), sa dodatnih 5 SFA inspektora (3 muških i 2 ženskih). Vježba prikupljanja podataka je implementirana u 6 kantona na ukupno 113 lokacija: 66 lokacija u 8 općina u Unsko-sanskom kantonu, 24 lokacije u 10 općina u Tuzlanskom kantonu, 10 lokacija u 5 općina u Sarajevskom kantonu, 9 lokacija u 4 općine u Hercegovako Neretvanskom kantonu, 3 lokacije u 3 općine u Kantonu 10 i 1 lokacija u 1 općini u Zapadnohercegovačkom kantonu. ([Mapa](#) na str.2).

DEMOGRAFIJA I LOKACIJE

Ukupni broj identifikovanih migranata na posjećenim lokacijama je 2,591 od kojih je **2,589 izjavilo da nisu smješteni u bilo kojem od PPC-a u BiH.**

Broj migranata obuhvaćenih u trećoj vježbi je u skladu sa prethodnim vježbama održanim u martu i aprilu 2021 godine te varijacije u prisutnosti migranata između tri vježbe se mogu objasniti sa određenim faktorima koji su uticali na prikupljanje podataka. Prva vježba (održana 17. marta) je pokazala smanjen broj migranata van centara (1927), vjerovatno zbog vremenskih uslova tokom prikupljanja podataka kao i smanjen broj uposlenika i posjećenih lokacija. Druga i treća vježba (održane 30 aprila i 10 juna) su provedene uz bolje vremenske uvjete koji su doprinijeli većim prisustvom migranata na lokacijama van centara, kao i angažovanje većeg broja uposlenika koji su bili u mogućnosti da obišu više lokacija. Interesantan podatak je da od prve održane vježbe, broj migranata koji su se izjasnili da borave van centara se značajno povećao: 91% u prvoj vježbi, 97% u drugoj vježbi i 99% u trećoj vježbi.


Afganistan (49%) i Pakistan (26%) su dvije nacionalnosti³ sa najvećim brojem ljudi van centara u BiH. Ukupno, ove dvije nacionalne grupe čine 75% ukupne migrantske populacije bez smještaja u privremenim prihvatnim centrima. Ostale zastupljene nacionalnosti su: Alžir, Maroko, Iran, Bangladeš, Somalija, Eritreja, Indija, Irak, Tunis, Turska, Egipat, Liban, Libija, Nepal.

Gledajući statistiku prema spolu i dobnoj skupini, podaci pokazuju da većina migranata izvan PPC-a su **odrasli muškarci (2,097)**, zatim **odrasle žene (227)**, **dječaci (131)**, i **djevojčice (129)**. Ukupno, odrasli muškarci predstavljaju 81% ukupne migrantske populacije van PPC-a. Kao i u prethodnim vježbama, **najviše djece je porijeklom iz Afganistana (88%)**, te manji broj iz Irana (5%) i Pakistana (3%), dok za ostale nacionalnosti broj dječaka i djevojčica je veoma nizak.


Od 2,591 migranata bez smještaja u PPC, **2,266 je izjavilo da je ušlo u BiH iz Srbije**, 175 iz Crne Gore i 127 iz Hrvatske, dok za 27 migranta nema podataka. Velika većina migranata (2,248) je izjavila da je ušla u BiH pješke, te ostalim sredstvima prevoza kao što je autobus (292) i taxi (25).

U drugoj i trećoj vježbi uključena su dodatna pitanja vezana za vrstu lokacije gdje se migranti nalaze. Većina ispitanih migranata je pronađeno u napuštenim objektima (46%), zatim u privatnim smještajima (20%) bilo da su za isti platili ili koriste besplatno, na otvorenim lokacijama (16%) uključujući autobusnu i željezničku stanicu i ostalo, kao i ostale lokacije koje nisu specificirane (10%), plaćenim hostelima (5%) i u barakama, šatorima i drugim improviziranim smještajima (2%). Važno je napomenuti da u većini slučajeva gdje su migranti pronađeni zapravo i lokacije gdje žive, osim u slučajevima onih koji su pronađeni na otvorenim lokacijama kao autobusna i željeznička stanica, što ukazuje na njihovo kretanje na druga mjesta.

STATISTIKA PREMA SPOLU I DOBNOJ SKUPINI



VEĆINA DJECE DOLAZI IZ



1. Služba za poslove sa strancima koja je nezavisna administrativna jedinica unutar Ministarstva sigurnosti je odgovorna strana za registraciju svih stranca na teritoriji BiH, kao i za izdavanje atestacija, uključujući atestacije za one koji izražavaju želju za azilom. Ministarstvo sigurnosti je također odgovorno za upravljanje Imigracionim centrom i privremenim prihvatnim centarima na području BiH.

2. Kako nije vršena provjera dokumentata tokom provođenja vježbe, pod migrantima također podrazumijevamo izbjeglice i tražioce azila.

3. Informacija o nacionalnosti je bazirana na deklaraciji migranata prema državnim vlastima.



PRISUTNOST MIGRANATA IZVAN CENTARA


113 Posjećene lokacije u

Bosna i Hercegovina
10 Juni 2021

est. **2,589** MIGRANATA IZVAN PRIVREMENIH
PRIHVATNIH CENTARA*

6
Kantona

30
Općina




This map is for illustration purposes only. Names and boundaries on this map do not imply official endorsement or acceptance by IOM.

Source Data : IOM, National Authorities

GEOGRAFSKA RASPOREĐENOST

Većina migranata izvan PPC-a se nalazi na prostoru Unsko-sanskog kantona (USK), dok ih je manji broj prisutan u Kantonu Sarajevo (KS), Tuzlanskom kantonu (TK), Hercegovačko – Neretvanskom kantonu (HNK) i Kantonu 10. Pristustvo migranata nije zabilježeno na posjećenim lokacijama u Zapadnohercegovačkom kantonu (ZHK). U USK je ukupno identifikovano 2,086 migranata (81%), in KS - 275 (11%), TK - 181 (7%), u HNK - 40 (2%), i u Kantonu 10 – 7 (manje od 1 %). Migranti iz Maroka su jedina nacionalnost koja je zastupljena u svim kantonima osim u ZHK gdje nije bilo prisutnosti migranata.

- UNSKO-SANSKI KANTON
- TUZLANSKI KANTON
- HERCEGOVAČKO - NERETVANSKI KANTON
- KANTON SARAJEVO
- KANTON 10



Samo 100 (manje od 4%) od ukupno 2,589 migranata izvan PPC-a je iskazalo zainteresovanost za smještaj u jednom od prihvatnih centara. Prema prikupljenim podacima, migranti su u prosjeku proveli više od 3 mjeseca u BiH (62%). Nadalje, kao i u prethodnim vježbama, migrantima je postavljeno pitanje o provedenim noćima izvan PPC-a gdje je njih preko 50% izjavilo da su proveli više od 3 mjeseca van centara u državi.

U trećoj vježbi su implementirana nova pitanja o migrantima i njihovom poznavanju alternativnih usluga koje pružaju humanitarne organizacije u BiH. Od ukupnog broja ispitanih migranata, njih 1,659 (64%) je upoznato za opcijom potpomognutog dobrovoljnog povratka kući i reintegracija (AVRR) u njihove matične zemlje koju provodi IOM, dok je 76 migranata izjavilo da su zainteresovani da dobiju više informacija o AVRR, jer o istoj nisu bili upoznati. Od ukupnog broja ispitanika, samo 30 migranata (manje od 1%) je izjavilo da su zainteresovani za povratak u svoju matičnu zemlju putem AVRR.

Ono što je bitno napomenuti jeste da manje od 1% (25) migranata je zainteresovano za više informacija o pravnim i zakonodavnim načinima za ostanak u BiH, dok njih preko 50% (1,334) ispitanih je zainteresovano za više informacija o pravnom i zakonodavnom ostanku u zemljama Europske unije.



ZDRAVSTENE POTEŠKOĆE I RANJIVOSTI

Upitnik je dizajniran na način da omogući prikupljanje informacija o pojedinačnim stanjima i ranjivostima prisutnim među ispitanicima. Sljedeće ranjive kategorije su identifikovane: 45 maloljetnika bez pratnje, 44 djece ispod pet godina, 20 osoba sa zdravstvenim poteškoćama, 6 osoba iznad 60 godina, 1 trudna žena i 1 osoba sa fizičkim poteškoćama. Sve zatečene ranjive populacije su referisane prema PPC po ustaljenom protokolu, ili, u slučajevima kada je bio potreban medicinski tretman i kada je to bilo moguće, osobe su upućene prema Danskom vijeću za izbjeglice (DRC).⁴

IDENTIFIKOVANE RANJIVE KATEGORIJE



KRAJNJE DESTINACIJE

Kao i u prethodnim vježbama, većina migranta je izjavila da je njihova krajnja destinacija Italija (41%), zatim Njemačka (35%), Francuska (14%), Belgija (7%), i Hrvatska (1%). Italija, Njemačka i Francuska zajedno čine 90% krajnjih destinacija od svih ispitanih migranata.

KRAJNJE DESTINACIJE



4. DRC Outreach timovi vrše distribuciju hrane, neprehrambenih artikala te pružaju medicinsku pomoć na terenu migrantima u BiH.

5. Za više informacija o metodologiji, posjetite web stranicu IOM BiH

METODOLOGIJA⁵

Displacement Tracking Matrix (DTM) je sistem za praćenje i monitoring migracionih tokova. DTM omogućava prikupljanje, obradu podataka kao i naposljetku redovne i sistematične informacije koje pružaju bolje razumijevanje kretanja i potreba migracione populacije, kako u raseljenim mjestima, tako i u tranzitu.

U BiH, još od 2017 godine, DTM prikuplja podatke o nacionalnostima u tranzitu na ulasku prilikom ulaska u državu i podatke i brojevima migranata smještenim u PPC, kao dio šireg projekta monitoringa migracionih tokova kroz Zapadni Balkan na putu ka EU.

Način prikupljanja podataka – 3. vježba

Geografska pokrivenost

30 općina u 6 kantona Federacije Bosne i Hercegovine, odabranih od strane IOM-a zbog velikog broja pristunih migranata na tim područjima.

Ciljana populacija

Stranci koji putuju ili su naseljeni u BiH izvan PPC. Migranti koji su već smješteni u jedan od PPC-a nisu uključeni u ukupnu statistiku. Legalni status migranata nije ispitivan tako da podaci uključuju sve migrante, izbjeglice, tražioce azila.

Vremenski okvir

Treća runda je održana 10 juna 2021 godine.

Popisivači

10 timova i ukupno 44 popisivača (31 M, 13 Ž), sa engleskim, arapskim, dari, farsi, turskim i pašto govornim vještinama, zajedno sa 5 SFA inspektora (3 M, 2 Ž) koji su pružili asistenciju i pristup lokacijama.

Metode prikupljanja podataka

Anketa je dostupna u printanoj formi i online formi na engleskom jeziku. Svi prikupljeni podaci se spremaju na Kobo Server kojim upravlja IOM sa sjedištem u Ženevi. Anketa se sastoji od 5 glavnih dijelova: Ukupni broj migranata koji se nalaze izvan PPC na jednoj lokaciji, spol i dobna skupina za 5 najzastupljenijih nacionalnosti, glavne ranjivosti i zdravstvene poteškoće, glavne rute, transport, krajnje destinacije, iskazivanje želje za smještaj u PPC

Ograničenja

IOM je upostavio stalnu prisutnost u određenom broju kantona u BiH kako bi mogli pružiti podatke o broju migranata prisutnih van PPC u određenom trenutku. Vježba prikupljanja podataka je sprovedena uz određena ograničenja:

- Geografska pokrivenost je ograničena u određenom broju lokacija i kantona zbog
 - Ograničenog broja dostupnih uposlenika
 - Postojećim zabranama pristupa određenim lokacijama posebno u Unsko-sanskom kantonu
- SPS prisutnost tokom provođenja vježbe omogućuje pristup većini lokacija ali može ometati učestvovanje migranata na drugim lokacijama i/ili uzrokovati pristrasnost migranata u odgovorima na pitanja